



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1248. Usque Ad Annum 1276

Fleury, Claude

August. Vind. [u.a.], 1765

VD18 90118243

§.54. Tartari Bagdetiam capiunt.

[urn:nbn:de:hbz:466:1-66255](https://nbn-resolving.org/urn:nbn:de:hbz:466:1-66255)

Sæcul. XIII.
A. C. 1258.

Joinv.
p. 119.

mausum, Tolosam, aliasque minore consideratione dignas. Universe ac generatim ut loquar: S. Ludovicus fuit ille vir, qui maxime omnium paci conciliandæ studuit præsertim inter subditos, ac regni sui Proceres: ipsi extranei eum sumebant arbitrum: adeo sapientiam ejus ac justitiam totus agnovit orbis.

§. LIV.

Tartari Bagdetiam capiunt.

Abulfarag.
p. 337.
Haito. c. 24.

Bibl. Orient.
p. 453.

p. 505.

p. 628.

Hunc annum 1258 Musulmannis memorabilem reddidit eventus inter primos historiæ suæ numerandus, occupatio Bagdetiæ per Tartaros facta, & Califarum extinctio. Hulacus Mangu-Cani frater, & Ginguis-Cani nepos anno Epochæ Arabicæ 651. Christi 1253 in Persiam duxit exercitum, quem frater ei suus tradiderat, e delectis Mogolibus compositum. Anno 654 (ejusdem Epochæ) stirpitus delevit Molheditas, qui erant Arfacidæ, ac ultimo eorum Principi, cui nomen Rucneddin Gurscha, omnia ipsius loca eripuit. Subsidium vero contra Molheditas a Califa Mostazem petens repulsam tulerat. Ergo post eorum interuersionem Bagdetiam versus movit. Mostazembillam trigesimum septimum Califam ex Abasis familia, ab anno 640 regnantem omnes Musulmanni suæ religionis

nis caput agnoscebant. Erat Princeps voluptarius, sed avarus simul, primo admistrato suo (Visirium vocant) proditori suo addictus. Accepta epistola, qua Hulacus denegatum contra hostes communes auxilium ipsi exprobrabat, injuriosissimum ei responsum dedit, iram Dei suamque minitans, eo quod ipsius Terris inferre pedem ausus fuisset. Hulacus, qui vires suas & Califæ infirmitatem noverat, hoc responsum indignatus Bagdetiæ portis admovit copias, cum minime putaretur. Duobus eam mensibus obsidebat, incolis interea more solito velut in plena pace viventibus, & Califa suis tantum voluptatibus intento. Demum mense Safar an. 656 Christi 1258 urbs a Tartaris capta, & direpta septem diebus (nam plura per secula immensæ ibi opes cumulata fuerant) ferroque ac igni vastata est. Califa Mostazem comprehensus, in pannum coactilem compactus, arctissime vinctus, & per omnes urbis vicos raptatus, hoc in supplicio brevi posuit vitam: atque sic interiit ultimus Califa Musulmanorum. Principium duxerant ab Abubero anno undecimo Epochæ Arabicæ, Christi 631: & hæc dignitas in Abasidarum stirpe 509 annos permanerat. Ex eo tempore Musulmanni non habuere legitimum suæ religionis caput: nam hoc debere de Prophetæ familia esse illis an-

Sæcul. XIII.
A. C. 1258.

p. 629.

Sup. lib. 38.

§. 5.

Sup. lib. 43.

§. 6.

Sæcul. XIII. numeratur regulis, quibus tanquam fun-
A. C. 1258. damentis eorum fides nititur.

Bibl. Or.

p. 54.

Abulfar.

p. 444. 345.

Etc.

Hulacus dein subiecto sibi Mosulio totaque Mesopotamia, transmissio Euphrate Syriam ingressus Damascum & Alepum cepit, evertitque anno 657, Christi 1258. Mortuo tunc Mangu-Cano succedens, quintus erat Magnus Mogolum Canus. Christiani hanc Musulmannorum cladem in rem suam potuissent vertere, nisi per diffidia sua sibi ipsis perniciem creassent. At præter bellum Venetorum cum Genuensibus etiam Templarios inter ac Hospitalarios Equites Ptolemaide furiosa fuit contentio, & prælium tam cruentum, ut hi majorem sociorum partem amitterent, illi vix non ad unum omnes perirent. Nunquam alias inter Christianos, multo minus inter Religiosos talis cædes conspecta fuit. Hujus nuncio cis mare accepto, Templarii celeriter congregati, de communi consilio per cuncta domicilia sua edixere, ut relictis, qui ad eorum custodiam necessarii forent, reliqui omnes Equites Ptolemaidem contenderent, tam dirutas in regione domos suas reædificandi gratia, quam Hospitalarios ulturi.